



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 183. Episcopus Cracoviensis Felici adhærens.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV. rici de Rosemberg, qui Bohemiæ Re-
A.C. 1441. gnum administrabat, nec non potissimum
 hujus Provinciarum Oratores Basileam
 venirent, Felicem veneraturi, cui in
 quadam generali Congregatione ad allo-
 quium admissi plenam, atque perfectam
 obedientiam pollicebantur. Præterea
 enixe flagitabant, ut Basileenses subsidia-
 riis copiis Ulricum juvarent, utpote qui
 continuo cum Hussitis bello implicare-
 tur, nec tamen eorum potentiæ resisten-
 do par esset. His reposuere Basileenses,
 Oratores ad comitia Francofordiensi de-
 cernendos, qui a Principibus Germaniæ
 impetrarent, ut Ulrico ex pecuniis, quæ
 indulgentiarum occasione collectæ erant,
 auxilio essent.

§. CLXXXIII.

*Episcopus Cracoviensis Felici
 adhærens.*

Sbigneus Cracoviensis Episcopus, quem
 Felix Cardinalem creaverat, quamvis
 jam antea ad eandem dignitatem ab Eu-
 genio evectus esset, hucusque nec Eu-
 genio, nec Felici aperte adhæsit, ratus,
 se tanto securius patriæ suæ prospere-
 cturum, quo magis a cujusvis partis
 studio alienus esset. Tandem vero mu-
 tata

tata hac animi sententia Basileensibus facta ^{Sæcul. XV.}
 vere statuebat, atque ad Felicem hoc anno ^{A. C. 1441.}
 Virum ablegabat, qui ejus nomine Amadæo tanquam Pontifici reverentiam exhiberet, ac obedientiæ homagium exsolveret, simulque grates rependeret pro collato Cardinalatus honore, quem hucusque haud aliam ob causam acceptare cunctatus esset, quam quod jam antea hac dignitate ab Eugenio auctus fuisset. Præterea Polonorum Rex, qui dudum sua obsequia Felici addixisset, si præter Regis Hungariæ titulum, etiam pecunias ex indulgentiis collectas obtinuisset, eidem denique adhærere visus est, dum in ditionibus suis Eugenio Papæ obedientiam præstari prohibuit.

§. CLXXXIV.

Basileensium anxietas ob Panormitanam orationem.

Patricius ad hunc annum refert turbas, ^{Aug. Patric. loc. cit. art. 120.}
 quas inter Basileenses sermo quidam ab Archiepiscopo Panormitano prolatus excitaverat. Rem hisce verbis narrat Patricius. *In celebritate Pentecostes, cum Felix rem divinam faceret, Panormitanus sermonem habuit, in quo, cum de auctoritate Concilii & Papæ loqueretur, as-*
seruit